

حقوقی بیکسیر مجموعہ سی

آئندہ بر نشر اولنور

دعاویٰ اداره ده صلاحیت و اصول

اداری مقررات قضائیه ك قیمت و اهمیتي ، ودعاویٰ اداره ك اصول رؤیت وحلی حقننده معمول به دساتیر قانونیه اولمادیندن ، ملئی شورای دولت بوخصوصه قوانین اصلیه ده موجود بعض احكامدن قوت آلق صورتیله ایفای وظیفه یه موفق اولمشدر . شكل وماهیتنك لائقیه مضبوط ومعین اولمامسی حسیله اداره ماكنه سنك روحی وناظمی اولان قضاء ادارینك ساحسی و حدودی شمدي یه قدر مجهول قالمشدر .

تشکیلات اساسیه قانونی موجبجه تشکیلی در دست اولان یکی شورای دولته متعلق قانون ایله دعاویٰ اداره ك اصول تدقیق و محاکمه سنه دائر احكام تدوین ایدلمش ایسه ده تشکیلات اكمل اولنه مادیفی و شورای دولت فعلاً ایفای وظیفه یه باشلامادیفی جهتله احكام اصولیه ك صور تطبیقیه سی هنوز تفرعاتیله تدقیق وارائه امکان یوقدر .

اك بویوك محكمه اداره اولمق حیثیله شورای دولك قضائیه متدائر مقرراتی اوصافه نظراً بش نوعدر .

۱ . حقوق اشخاصه متعلق اختلافات و منازعات اوزرینه اتخاذقلان مقررآندر . بونلر قضائیات سیاسیه در . (juridiction politique) .

۲ . محاکم و مجالس اداره مقرراتی تمیزاً اتخاذ اولنان مقررآندر . بونلر قضائیات ناظمه در . (juridiction régulatrice) .

۳ . عمومه عائد منفعتارك یکدیگری ایله ویا منافع خصوصیه ایله تصادم ابتدکی احواله متعلق دعاوی حقننده کی مقررآندر . بونلر قضائیات عالیه در . (juridiction suprême) .

۴ . وظیفه قانونیه ك تجاوزی صورتیله حقوق اشخاصی خللدار ایدن خصوصاته متعلق مقررآندر . بونلر مقررات حامیه در . (juridiction protectrice) .

۵ . مأمورینك احوال ذاتیه لرینه تعلق ایدن خصوصات حقننده کی مقررآندر . بونلر ده مقررات انضباطیه در . (juridiction disciplinaire) .

شورای دولتی ترکیب ایدن دواژدن دعاوی دائره سی اوراق اوزرینه تدقیقات اجرا ایدرك حاصل ایده جکی قناعته كوره صلاحیتی دائره سنده اولان خصوصات حقننده اتخاذ قرار و هیئت عالیجه تدقیق ایجاب ایدن مسائلی باراپور اورایه سوق ایلر . دعاوی دائره سی لزوم كوردیكی تقدیرده طرفیندن تحریری و شفاهی استیضاحانده بونلور .

تشکیلاتی قانوناً معین اولان دعاوی دائرہ سی ہیئت علنیہ سی ده راپورتورلرک و طرفینک مطالعات و مدافعاتی ، و مدعی عمومیک وظیفہ سی ایفایہ مأمور معاونلرک مدعیاتی بالاستماع اتخاذ قرار ایلر .

دعاوی دائرہ سی اداری دعوارلرک ہیئت علنیہ فصلی لازم کلنلردن ماعداسنی رؤیتله مکلفدر . دوغریدن دوغری به و صورت قطعیہ ده شورای دولته تدقیق ورؤیت اولنه جق مواد اولاً ، رؤیتی محاکم عدلیہ نک وظیفہ سی خارجنده بولنان مسائل حقنہ کی اداری معاملات و مقرراتدن دولای حقوقی مخیل اولانلر طرفندن اقامه اولنان دعوارلر ؛ ثانیاً ، خدمات عمومیہ دن برینی ایفا مقصدیلہ عقد ایدیلان مقاوله لردن دولای عاقلدر آراسنده تگون ایدن اختلافلر ؛ ثالثاً ، اداری مقررات و معاملات حقنہ صلاحیت و شکل و اساس و مقصد جهتلرندن بریلہ قانونه یاخود نظامه مخیلقتندن دولای ابطالی ایچون علاقہ دارلر طرفندن اقامه ایدیلن اداری دعوارلردن و کیلرلرک ، والیرلرک مقررات و معاملاتی علیهنده اولانلر ؛ رابعاً ، اداری مقاملر آراسنده وظیفه و صلاحیتدن متولد اختلافلر اولوب بونلردن ہیئت علنیہ ده تدقیقی ایجاب ایدنلردن ماعداسی دعاوی دائرہ سنده تدقیق و حل اولنور .

شورای دولت حضورنده طرفینی تمثیل و اصول مرافعه به توفیقاً تعقیب دعوی و مدافعه ایچون معلومات قانونیه یی حائر و سائله احتیاج وارددر . بونلر مدافعه و کیلرلکنی و عین زمانده تنویر وظیفہ سی ایفا ایدمیله جک آوقاتلردر . فرانسه ده بو خصوص پک زیاده حائر اهمیتدر . حتی اوراده مصالحک مجرای قانونیده تعقیب و انتاجنی تسهیل ایچون ، استعجالی مستوجب اولیان خصوصاتک غیریده ، طرفینک و کیلرلر طرفندن امضا ایدلمه مش اولان مستدعیاتنک قبوله جواز یوقدر .

شورای دولت و محکمه تمیز حضورنده تعقیب دعوا به حائر صلاحیت آوقاتلرک تشکیلات مخصوصیه تابع اولملری ، و منحصرأ بو نوع ایشارله اشتغاله آلمش ارباب اختصاصدن بولنلرنده کی لزوم و اهمیت بارزدر . مصالحک سلامت تدقیق و انتاجی بولزومی مؤیددر . یکی قانونک فعلاً تطبیقاتنه باشلانیلدقدن صوکر ا بونک درجه اهمیت آکلاشیلا جقدر . بر ایشک شورای دولت نزدنده دعوی شکلنده تدقیق و حلی ایچون اول امرده او ایشک دعاوی اداره دن اولدیغنی و بونک ایچون ده مصالحی ، محاکم عدلیہ نک وظیفہ سی خارجنده عدایتدیرمه جک خطوط اساسیه یی بحق تعیین ایله تدقیقاتنک شورای دولته شایان قبول بولندیغنی قبل المراجعه کسیدر مک لازمدر . ایشته و کیلرلر ایچون اک مشکل

وظیفه بود . چونکه کنديلرینه تودیی ایسته یلن دعوائی درعهده ایتمه دن اول واسع تدقیقات اجرا ، دها دوعریسی او ایشک تعلق ایله دیکی بالجله احکام قانونیه و تفسیرییه اطرافیه و تطبیقاتیه تحقیق و تتبع ضرورتی قارشینده بولنورلر .

شورای دولت حضورنده کی مدافعانک اظهار بلاعتدن زیاده متون قانونیه مستند ایضاحات مختصره و مفیده منحصر و معلومات علمییه مقتدر اوله جغنی اونوتما ملیدر .

مصالحت ماهیت حقیقیه سی تدقیقات عمیق ایله مستبان اولور . بتدقیقات اکثرأ بك نازك نقطه تماس ایدر . زیرا ایلک نظرده عادیأ حلی مقتضی مائلدن اولدیغنه حکم اولنان بر ایشک ظاهرأ کوزه چاریمیان کیزلی نقطه لری اوله بیلیر که قضاء اداری ایله صیقی صیقیه علاقه داردر . کذا بدایة قضاء اداری ایله حلنه قناعت حاصل اولان بر مصالحتک تدقیقات تعمیق اولندیجه ، قضاء اداری ایله هیچ مناسبی اولمادیغنی آکلا شیلیر .

اداری ایشلرده ماهیت مصالحتی مبدآندن تعیین ایدرک ، اوکا کوره جریان ویرمک بر مسأله اساسیه در . شورای دولته دعوی درعهده ایدن وکیلک الک زیاده اهمیت ویره جکی نقطه بودر . تدقیقات جدیه اجرایی ایسه وقته محتاج اولدیغندن ، اصحاب مصالحتده دعوائی تودیع ایدم جکلری ذواتک تبعاتنه میدان براقه لری منفعتلری ایجابندندر . بناء علیه بوکی تشبثاتی وقتیه ایفا ایتمه لیدرلر .

دعای دأثره سی بالجله مصالح اداریه ایله علاقه داردر . اداره نک ، بر طرفی ماده ویا معنأ متضرر ایدن هر فعل وحرکتی ، بودأثره نک حوزه تدقیقه داخلدر . مکرکه طریق شکایت موجود ، ویریلن امر و تعلیمات مأمورین تالیه نک تقدیرینه مستند اولوب علی الدرجات مافوقه مراجعت صورتیه تصحیح مسأله ممکن بولسون .

صورت عمومیه در مرجع اداریدن صادر اولوب ، بر مصالحت اداریه تعلق ایدن ویا لکتر منفعتلری دکل ، حقلری ده اخلال ایدن هر نوع افعال وحرکات اداریه حقنده قضاء اداری طریقیه اقامه دعوی اولنور .

محاکم و مجالس اداره دن بدایة صادر اولان مقرراتی شورای دولت انواع مصالحه کوره استینافاً ویا تمیزاً درجه نهائیده و قطعیه ده حل و فصل ایلر . مخالف صلاحیت اولان ، ویا نفوذ مأموریتک تجاوزی صورتیه اتخاذ اولنان ویا موافق اصول اولمایان مقرراتی تمیزاً تدقیق ایلر ؛ و استیناف محکمه سی صفتیه ده وکالتلر ایله والیرک و مجلس اداره نک حرکات و مقرراتنه مطلع اولور . تدقیقات استینافیه سیله ایشلری بحرای قانونیه سوق ، تدقیقات تمیزیه سیله ده قانونک سلامت تطبیقنی مراقبه و تأمین ایله مک کبی ایکی مهم وظیفه یی بردن ایفا ایلر .

شورای دولته تمیز صورتیه نهائی و قطعی اوله رق تدقیق ورؤیت اولنان مواد ،
اولاً ، بر مجلس اداره دن و بریلوب مافوق مجلس اداره ده ایکنجی درجه ده تدقیق ایدیلن
قرارلر ؛ ثانیاً ، ولایت مجلس اداره لرندن و بریلن قرارلر ؛ ثالثاً ، مجلس اداره لرندن
باشقه اداری مرجعلرندن صادر اولان قضائی قرارلر ؛ رابعاً ، اداری مسأله لر حقنده
خصوصی قانونلرله معین تمیز مرجعلرندن چیقان قضائی قرارلردر .

شورای دولت ، طرفینک عدم صلاحیت و یا تجاوز نفوذ ، یا خود اصوله مخالفت
اداسیله تمیزاً تدقیقی طلب ایله دیکی بالجله مقرراته وضع ید ایلر . بوکی احواله قرار
- ولو درجه نهاییه ده اتخاذ ایدلش اولسون - شورای دولتک یکیدن تدقیقات اجراسنه
صلاحیتی واردر .

تشکیلات اداریه نیک المستحسن جهتی بودر . شورای دولت بو بولده حرکت
ایتمکله حقوقی مختل اولانلره قارشی بر ملجأ قانونی وضعیتی آلمش اولور دیگر طرفندن ده
اداره یی مخالف قانون حرکاتدن و قایه ایلر .

دعای اولادارنیک اصول محاکمه سنه دائر موضوعات قانونیه نیک خارجنده قالان خصوصات
ایله فروغانده اصول محاکمات حقوقیه یه و احکام تعاملیه یه توقیق حرکت اولنور .

ملفا شورای دولت اعضاسندن

مهر عزت

صلاحیت قرارلری

صلاحیت - انواعی - ۲۱ مارت ۱۳۴۰ قانوننیک صلاحیت حقنده کی احکامی

و نقصانلری - مقایسه قوانین

§ « اصول محاکمه حقوقیه و جزائیة و صلح و اجرا قانونلرینک بعض ماده لرینی
معدل ۲۱ مارت ۱۳۴۰ تاریخلی قانون ، محکمه لر طرفندن اتخاذ اولنان صلاحیت
قرارلرینک قانونی نتیجه لرینی تعدیل ایتمکده در . انجق قانوننک بعض نقطه لرده سکوئی
تعمیقاً نه مشکلاتی ایجاب ایتمش و بعض محذورلر تولید ایتمشدر . مقاله مزده بو تعدیلاتی
و راقده یی نقصانلرک فصل اکیال ایدلمسی ایجاب ایتمکدن تدقیق ایده جکزر . بواضا حاکمک
لایقینه اکلایشله یلمسی ایچونده احکام سابقه یی خاطر لایقینه یی بو مناسبتله صلاحیت
حقنده کی یکی نظریه لری بیانی فائده لی عد ایتدک .